



REPUBLIKA E SHQIPËRISË
KOMISIONI I PROKURIMIT PUBLIK

Nr.1596/8 prot.

Datë 15.06.2026

V E N D I M

Nr. 799/2026

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtar
Gjergj Mersini	Anëtar

Në mbledhjen e datës 15.06.2026 u shqyrtua ankesa me

Objekt: Parregullsi të konstatuara gjatë vlerësimit paraprak të procedurës së prokurimit “*E hapur, e thjeshtuar*”, me nr. REF-83291-04-24-2026, me objekt: “*Blerje karburanti per vitin 2026*”, me fond limit 6,500,000.00 lekë pa TVSH, zhvilluar me datë 08-05-2026 nga autoriteti kontraktor, Bashkia Has.

Autoriteti Kontraktor: Bashkia Has, me adresë: Sheshi “Dëshmorët e Hasit”, Qyteti Krumë

Ankimues: Operatori ekonomik “Vëllezërit Poga” SHPK me NUIS K76317905K dhe adresë: Lagjja Nr.2, Rruga Nacionale Krumë - Qafe Prush Km1, Zona Kadastrale 2282, Nr. Pasurie 8/73, Has

Baza Ligjore: Nenet 30 dhe 115 të ligjit nr. 162/2020 “*Për Prokurimin Publik*”, i ndryshuar; Vendimi i Këshillit të Ministrave nr. 285, datë 19.05.2021 “*Për miratimin e rregullave të prokurimit publik*”, i ndryshuar, Vendimi i Komisionit të Prokurimit Publik Nr. 766/2021, datë 13.10.2021 “*Për miratimin e rregullave “Për organizimin dhe funksionimin e Komisionit të Prokurimit Publik*”,

dhe nenit 4 të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi dëgjoi relatorin e çështjes, shqyrtoi parashtimet me shkrim e pretendimet e ankimuesit, dhe pasi diskutoi çështjen në tërësi,

Vëren:

I

Vlerësimi Paraprak

I.1. Vlera limit e përlogaritur për procedurën e prokurimit objekt-ankimi është nën kufirin e ulët monetar, ndaj shqyrtimi dhe vendimmarrja do të bëhet nga tre anëtarë, në përputhje me pikën 1, të nenit 30 të ligjit nr. 162/2020 “Për prokurimin publik” dhe Rregullat e Prokurimit Publik.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “Për prokurimin publik”.

I.4. Ankimuesi nuk ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 27-04-2026, është publikuar në Sistemin e Prokurimeve Elektronike, procedura e prokurimit “E hapur, e thjeshtuar”, me nr. REF-83291-04-24-2026, me objekt: “Blerje karburanti per vitin 2026”, me fond limit 6,500,000.00 lekë pa TVSH, zhvilluar me datë 08-05-2026 nga autoriteti kontraktor, Bashkia Has.

II.2. Në datën 18.05.2026 autoriteti kontraktor ka përfunduar fazën e vlerësimit të ofertave. Ofertuesit janë njoftuar elektronikisht si vijon:

- | | |
|---------------------------|--------------------------------|
| 1. “Syla” SHPK | 6,500,000.00 lekë, kualifikuar |
| 2. “Vëllezërit Poga” SHPK | 6,500,000.00 lekë, kualifikuar |

II.3. Në datën 22.05.2026 nëpërmjet Sistemit të Ankesave Elektronike pranë Komisionit të Prokurimit Publik, është administruar ankesa me numër ankimi elektronik A/2026/6701 dhe nr. 1596/2026 protokoli, datë 22.05.2026 e operatorit ekonomik “Vëllezërit Poga” SHPK për procedurën e prokurimit *E hapur, e thjeshtuar*, me nr. REF-83291-04-24-2026, me objekt: “*Blerje karburanti per vitin 2026*”, me fond limit 6,500,000.00 lekë pa TVSH, zhvilluar me datë 08-01-2026 nga autoriteti kontraktor, Bashkia Has.

Nga shqyrtimi paraprak i ankesës të sipërcituar, u konstatua se objekti i ankesës lidhet me veprimet proceduriale të ndjekura nga ana e autoritetit kontraktor sa i përket procedurës së mësipërme të prokurimit.

Konkretisht pretendohet si vijon:

“[...]Nga verifikimi i dokumentacionit të publikuar në sistemin e prokurimit publik (SPP), rezulton se me datë 18.05.2026 Autoriteti Kontraktor Bashkia Has, ka publikuar njoftimin mbi vlerësimin paraprak të ofertave. Në këtë njoftim konstatohet se për të gjithë operatorët ekonomikë pjesëmarrës është pasqyruar e njëjta vlerë ekonomike, e cila korrespondon me vlerën e plotë të fondit limit të procedurës së prokurimit. Ky fakt provon se Komisioni i Vlerësimit të Ofertave nuk ka kryer: ? analizën individuale të ofertave ekonomike; ? ? përllogaritjen e normës së fitimit të ofertuar nga secili operator ekonomik; si dhe renditjen konkurruese sipas kriterit të përcaktuar në DST. Në kushtet kur procedura objekt shqyrtimi lidhet me furnizim karburanti dhe DST-ja, në zbatim të nenit 45 pika 2.1 të VKM nr. 285, datë 19.05.2021, ka përcaktuar se elementi konkurrues është norma e fitimit e shprehur në vlerë absolute (lekë/litër), paraqitja e të njëjtës vlerë për të gjithë operatorët ekonomikë demonstroi qartë se: ? nuk është realizuar vlerësim real ekonomik i ofertave; ? ? nuk është zbatuar metodologjia e përcaktuar në DST; dhe nuk është kryer renditja sipas elementit konkurrues të procedurës. Në praktikë, përdorimi i fondit limit si vlerë e njëjtë për të gjithë operatorët ekonomikë e bën të pamundur identifikimin e ofertës ekonomike më të favorshme dhe bie në kundërshtim me parimet themelore të procedurës së prokurimit publik, të përcaktuara në Ligji nr. 162/2020 Për Prokurimin Publik, konkretisht: ? transparencën; ? ? konkurrencën efektive; trajtimin e barabartë të operatorëve ekonomikë; dhe përzgjedhjen e ofertës me interesin më të mirë ekonomik për autoritetin kontraktor. Për rrjedhojë, vlerësimi paraprak i publikuar në SPP rezulton i pambështetur në kriteret e shpallura të vlerësimit dhe në kundërshtim me dispozitat ligjore dhe nënligjore në fuqi për prokurimin publik. .”

II.4. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, me marrjen e ankesës, Komisioni i Prokurimit Publik e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. 1596/1 Prot., datë 25.05.2026.

II.5. Në datën 28.05.2026 është protokolluar në Komisionin e Prokurimit Publik me nr.1596/2 prot., shkresa e autoritetit kontraktor nr. 1902 prot., datë 25.05.2026 me objekt: *“Mbi refuzimin e ankesës për procedurën e prokurimit me objekt: “Blerje karburanti për vitin 2026”*”, drejtuar operatorit ekonomik ankimues. Referuar kësaj shkrese rezulton se autoriteti kontraktor ka refuzuar pretendimet e operatorit ekonomik ankimues.

II.6. Në datën 01.06.2026 është protokolluar në Komisionin e Prokurimit Publik me nr. 1596/3 prot., shkresa e operatorit ekonomik ankimues *“Vëllezërit Poga” SHPK* me nr. 01/05 prot., datë 28.05.2026 me objekt: *“Kërkesë për pezullimin e procedurës së prokurimit dhe rivlerësimin e saj”*.

II.7. Nëpërmjet shkresës nr. 1596/4 prot., datë 11.06.2026 me objekt: *“Kërkesë për verifikim pagese”*, Komisioni i Prokurimit Publik i kërkoi informacion Sektorit të Financës, Burimeve Njerëzore dhe Trajnimeve pranë këtij Komisioni nëse operatori ekonomik *“Vëllezërit Poga” SHPK* ka korrigjuar apo jo pranë KPP-së dokumentin bankar që vërteton pagesën e tarifës për ankesën e paraqitur për procedurën e prokurimit të sipërcituar.

II.8. Në datën 12.06.2026, nëpërmjet shkresës nr. 1596/5 prot., Sektori i Financës, Burimeve Njerëzore dhe Trajnimeve pranë KPP-së informon se: *“Në përgjigje të kërkesës suaj nr. nr. 1596/4 prot., datë 11.06.2026 me objekt: “Kërkesë për verifikim pagese”, ju bëjmë me dije se për ankesën nr. 1596/2026 prot, datë 22.05.2026, me numër ankimi elektronik A/2026/6701, operatori ekonomik “Vëllezërit Poga” SHPK ka kryer pagesën në favor të KPP-së për ankesën e sipërcituar. Në vijim të shkresës suaj i është kërkuar Degës së Thesarit, raporti për arkëtimet, ku sipas verifikimeve të kryera me raportin e dërguar për arkëtimet e kryera deri në datën 29.05. 2026, rezulton se operatori ekonomik “Vëllezërit Poga” SHPK ka kryer pagesë në favor të Komisionit të Prokurimit Publik për ankesën e sipërcituar.”*

II.9. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e Autoritetit Kontraktor, u konstatua, se nuk ka pasur pretendime nga subjekte të interesuara, në përputhje me nenin 113 ligji Nr. 162/2020, për prokurimin publik.

III

Komisioni i Prokurimit Publik

pas shqyrtimit të ankesës, dokumentacionit bashkëngjitur saj, si dhe informacionit e dokumentacionit të paraqitur nga ana e autoritetit kontraktor,

Arsyeton

III.1. Në datën 27-04-2026, është publikuar në Sistemin e Prokurimeve Elektronike, procedura e prokurimit “E hapur, e thjeshtuar”, me nr. REF-83291-04-24-2026, me objekt: “Blerje karburanti per vitin 2026”, me fond limit 6,500,000.00 lekë pa TVSH, zhvilluar me datë 08-05-2026 nga autoriteti kontraktor, Bashkia Has.

III.2. Në datën 18.05.2026 autoriteti kontraktor ka përfunduar fazën e vlerësimit të ofertave. Ofertuesit janë njoftuar elektronikisht si vijon:

- | | |
|---------------------------|--------------------------------|
| 3. “Syla” SHPK | 6,500,000.00 lekë, kualifikuar |
| 4. “Vëllezërit Poga” SHPK | 6,500,000.00 lekë, kualifikuar |

III.3. Në datën 22.05.2026 nëpërmjet Sistemit të Ankesave Elektronike pranë Komisionit të Prokurimit Publik, është administruar ankesa me numër ankimi elektronik A/2026/6701 dhe nr. 1596/2026 protokolli, datë 22.05.2026 e operatorit ekonomik “Vëllezërit Poga” SHPK për procedurën e prokurimit *E hapur, e thjeshtuar*, me nr. REF-83291-04-24-2026, me objekt: “Blerje karburanti per vitin 2026”, me fond limit 6,500,000.00 lekë pa TVSH, zhvilluar me datë 08-01-2026 nga autoriteti kontraktor, Bashkia Has.

Nga shqyrtimi paraprak i ankesës të sipërcituar, u konstatua se objekti i ankesës lidhet me veprimet proceduriale të ndjekura nga ana e autoritetit kontraktor sa i përket procedurës së mësipërme të prokurimit.

Konkretisht pretendohet si vijon:

“[...]Nga verifikimi i dokumentacionit të publikuar në sistemin e prokurimit publik (SPP), rezulton se me datë 18.05.2026 Autoriteti Kontraktor Bashkia Has, ka publikuar njoftimin mbi vlerësimin paraprak të ofertave. Në këtë njoftim konstatohet se për të gjithë operatorët ekonomikë pjesëmarrës është pasqyruar e njëjta vlerë ekonomike, e cila korrespondon me vlerën e plotë të fondit limit të procedurës së prokurimit. Ky fakt provon se Komisioni i Vlerësimit të Ofertave nuk ka kryer: ? analizën individuale të ofertave ekonomike; ? ? përllogaritjen e normës së fitimit të ofertuar nga secili operator ekonomik; si dhe renditjen konkurruese sipas kriterit të përcaktuar në DST. Në kushtet kur procedura objekt shqyrtimi lidhet me furnizim karburanti dhe DST-ja, në zbatim të nenit 45 pika 2.1 të VKM nr. 285, datë 19.05.2021, ka përcaktuar se elementi konkurrues është norma e fitimit e shprehur në vlerë absolute (lekë/litër), paraqitja e të njëjtës vlerë për të gjithë operatorët ekonomikë demonstroi qartë se: ? nuk është realizuar vlerësim real ekonomik i ofertave; ? ? nuk është zbatuar metodologjia e përcaktuar në DST; dhe nuk është kryer renditja sipas elementit konkurrues të procedurës. Në praktikë, përdorimi i fondit limit si vlerë e njëjtë për të gjithë operatorët ekonomikë e bën të pamundur identifikimin e ofertës ekonomike më të favorshme dhe bie në kundërshtim me parimet themelore të procedurës së prokurimit publik, të përcaktuara në Ligji nr. 162/2020 Për Prokurimin Publik , konkretisht: ? transparencën; ? ? ?

konkurrencën efektive; trajtimin e barabartë të operatorëve ekonomikë; dhe përzgjedhjen e ofertës me interesin më të mirë ekonomik për autoritetin kontraktor. Për rrjedhojë, vlerësimi paraprak i publikuar në SPP rezulton i pambështetur në kriteret e shpallura të vlerësimit dhe në kundërshtim me dispozitat ligjore dhe nënligjore në fuqi për prokurimin publik. .”

III.4. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, me marrjen e ankesës, Komisioni i Prokurimit Publik e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. 1596/1 Prot., datë 25.05.2026.

III.5. Në datën 28.05.2026 është protokolluar në Komisionin e Prokurimit Publik me nr.1596/2 prot., shkresa e autoritetit kontraktor nr. 1902 prot., datë 25.05.2026 me objekt: “Mbi refuzimin e ankesës për procedurën e prokurimit me objekt: “Blerje karburanti për vitin 2026””, drejtuar operatorit ekonomik ankimues. Referuar kësaj shkrese rezulton se autoriteti kontraktor ka refuzuar pretendimet e operatorit ekonomik ankimues.

III.6. Nga verifikimet e kryera në sistemin e prokurimeve elektronike rezulton se deri në datën 22.05.2026 autoriteti kontraktor nuk ka publikuar në SPE njoftimin e fituesit/anulimit të procedurës së mësipërme të prokurimit.

III.7. Në nenin 110, pikat 2, 7 dhe 8 “Afatet për ankimim” të Ligjit 162/2020 “Për Prokurimin Publik”, parashikohet shprehimisht se:

*“2. Në procedurat e prokurimit mbi kufirin e lartë monetar, në rastin e ankesave për vendimin e vlerësimit/klasifikimit përfundimtar, operatorët ekonomikë kanë të drejtë të ankohen **brenda 10 ditëve nga publikimi i njoftimit të fituesit ose publikimi i njoftimi të anulimit.***

Në procedurat e prokurimit nën kufirin e lartë monetar ky afat është 7 ditë.

7. Në rast se operatori ekonomik nuk paraqet ankesën brenda afateve të parashikuara në këtë nen, atëherë nuk ka mundësi të ushtrojë më të drejtën e ankimit pranë autoritetit ose entit kontraktor dhe Komisionit të Prokurimit Publik.

8. Të shtunat, të dielat dhe ditët e festave zyrtare nuk pengojnë fillimin dhe kohëzgjatjen e afateve. Kur dita e fundit e një afati bie e shtunë, e diel ose një ditë feste zyrtare, afati mbaron në ditën e punës që vjen pas saj. Ankesa quhet e pranuar në ditën e depozitimit të saj pranë autoritetit kontraktor dhe Komisionit të Prokurimit Publik.”.

III.8. Në nenin 111, pika 1, të Ligjit 162/2020 “Për Prokurimin Publik”, parashikohet shprehimisht se:

“1. Operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik. Rregulla të posaçme për mënyrën e paraqitjes së ankesës përcaktohen në rregullat e prokurimit publik.”.

Neni 112, pikat 1 dhe 2 të Ligjit 162/2020 “Për Prokurimin Publik”, parashikon shprehimisht se:

“1. Me marrjen e ankesës, autoriteti ose enti kontraktor konfirmon në databazën e të dhënave të publikuara nga Komisioni i Prokurimit Publik që ankesa është paraqitur pranë këtij institucioni. Nëse autoriteti ose enti kontraktor konstaton se ankesa nuk është paraqitur në Komisionin e Prokurimit Publik, e refuzon atë si të pavlefshme.

2. Pasi konfirmon se ankesa është paraqitur në Komisionin e Prokurimit Publik, autoriteti ose enti kontraktor pezullon vazhdimin e procedurës së prokurimit deri në shqyrtimin plotësisht të ankesës, përfshirë edhe nxjerrjen e një vendimi nga Komisioni i Prokurimit Publik.”.

III.9. Referuar bazës ligjore të sipërcituar, Komisioni i Prokurimit Publik gjykon, se afati për dorëzimin e ankesës pranë Komisionit të Prokurimit Publik dhe autoritetit kontraktor, në procedurat e prokurimit nën kufirin e lartë monetar, në rastin e ankesave për procesin e vlerësimit të ofertave, është brenda 7 ditëve nga publikimi i njoftimit të fituesit ose publikimi i njoftimi të anulimit.

Në rastin konkret, referuar verifikimeve të kryera në Sistemin e Prokurimit Elektronik, rezulton, se deri në datën 22.05.2026, nga ana e autoritetit kontraktor nuk është publikuar në SPE njoftimi i fituesit/anulimit për procedurën e prokurimit objekt-ankimi, ndërkohë që operatori ekonomik ankimues ka dorëzuar ankesë nëpërmjet Sistemit të Ankesave Elektronike pranë Komisionit të Prokurimit Publik, në datën 22.05.2026, pra pa u publikuar akoma njoftimi i fituesit/anulimit të procedurës në fjalë.

III.10. Komisioni i Prokurimit Publik gjykon, se referuar nenit 111, pika 1 të ligjit nr.162/2020 “Për prokurimin publik”, operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik. Në rastin konkret, referuar dokumentacionit të administruar rezulton, se operatori ekonomik ankimues ka dorëzuar ankesë pranë Komisionit të Prokurimit Publik, përpara afatit të parashikuar nga neni 110, pika 2 e Ligjit 162/2020 “Për prokurimin publik”, i cili parashikon se:

*“2. Në procedurat e prokurimit mbi kufirin e lartë monetar, në rastin e ankesave për vendimin e vlerësimit/klasifikimit përfundimtar, operatorët ekonomikë kanë të drejtë të **ankohen brenda 10 ditëve nga publikimi i njoftimit të fituesit ose publikimi i njoftimi të anulimit.** Në procedurat e prokurimit nën kufirin e lartë monetar ky afat është 7 ditë.”,*

Referuar parashikimeve të sipërcituara, llogaritja e afatit për ankim pranë autoritetit kontraktor dhe njëherazi pranë Komisionit të Prokurimit Publik, në procedurat e prokurimit nën kufirin e lartë monetar nis ditën e nësërme të publikimit të njoftimit të fituesit (anulimit) dhe përfundon në ditën e 7-të. Në këtë kuptim KPP gjykon, se ankesa e administruar me numër ankimi elektronik A/2026/6701, datë 22.05.2026 dhe nr.1596/2026 protokolli, datë 22.05.2026 e operatorit ekonomik “Vëllezërit Poga” SHPK për procedurën e mësipërme të prokurimit konsiderohet e paraqitur përpara afatit ligjor të ankimimit, duke mos u legjitimuar *ratione temporis*.

Në nenin 118, pika 2, gërma “a” të Ligjit nr.162/2020 “Për prokurimin publik” të ndryshuar parashikohet se:

“Përpara lidhjes së kontratës, Komisioni i Prokurimit Publik ka të drejtë: të refuzojë ankesën, për shkak të mosplotësimit të elementeve të domosdoshme për shqyrtimin e saj, sipas parashikimeve të nenit 111 të këtij ligji”.

Sa më sipër arsyetuar, Komisioni i Prokurimit Publik gjykon, se ankesa e dorëzuar nga operatori ekonomik ankimues, nuk ka përmbushur detyrimin për ndjekjen e afateve ligjore të ankimimit, ndaj përbën shkak për mospranimin e tij nga ana e Komisionit të Prokurimit Publik.

Komisioni i Prokurimit Publik rithekson bindjen e tij, se për shkak të specifikës së prokurimeve publike, respektimi i afateve është i një rëndësie thelbësore, e me ndikim të drejtpërdrejtë në efikasitetin e procedurës, ndaj edhe i qëndron strikt rregullit të parashikuar nga ligji i prokurimit publik si *lex specialis* mbi lëndën.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 236, datë 20.04.2023, “Për përcaktimin e rregullave dhe tarifës së pagesës për ankimin në një procedurë prokurimi pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të mos pranojë ankesën e operatorit ekonomik “Vëllezërit Poga” SHPK për procedurën e prokurimit “E hapur, e thjeshtuar”, me nr. REF-83291-04-24-2026, me objekt: “Blerje karburanti per vitin 2026”, me fond limit 6,500,000.00 lekë pa TVSH, zhvilluar me datë 08-05-2026 nga autoriteti kontraktor, Bashkia Has.

2. Autoriteti kontraktor lejohet të vijojë me hapat e mëtejshëm të procedurës së prokurimit të sipërcituar, në përputhje me legjislacionin e prokurimit publik.
 3. Ngarkohet zyra e finances, të kryejë veprimet përkatëse për derdhjen në Buxhetin e Shtetit, të tarifës financiare të paguar nga operatori ekonomik “Vëllezërit Poga” SHPK.
 4. Kundër këtij vendimi mund të bëhet ankim në Gjykatën Administrative të Apelit.
 5. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Anila Malaj

Anëtar
Gjergj Mersini

Nënkryetar
Fiorent Zguro

